



---

Kommunalbestyrelsi 28. oktober 2021 nal. 10:00

---

Kommune Qeqertalik Kommunalbestyrelsi  
04-2021

Hansen, Ane	IA
Lundblad, Frantz	IA
Broberg, Bia A.	IA
Nathanielsen, Karl Thue	IA
Aronsen, Hans	IA
Lundblad, Klaus	IA
Kristensen, Niels	IA
Larsen, Mariane S.	IA
Jeremiassen, Kristian	IA
Heilmann, Simigaq	D
Kristensen, Naja	A
Jeremiassen, Nikkulaat	S
Sandgreen, Enok	S
Samuelsen, Aqqa	S
Frederiksen, Ole I.	S

**Ataatsimiinnermi aqutsisoq:**

Ane Hansen, IA

**Allatsi:**

Kulunnguaq Reimer Olsen

**Ataatsimiinneq:**

Teamsikkut

**ULLORMUT OQALUUSERISASSAT**

<b>20-035 Kommunalbestyrelsimi ilaasortatut tunuarnissamik qinnuteqaat .....</b>	<b>4</b>
<b>21-036 Domsmandinik toqqaaneq Eqqartuussisoqarfik Qaasuitsup 2021-2025.....</b>	<b>6</b>
<b>21-037 Timi Tarnilu taaguutip allanngortinneqarnissaanut siunnersuut – Kommunalbestyrelsimi siullermeerneqarnera.....</b>	<b>7</b>
<b>21-038 Aasianni Katersugaasuvimmi ikuallattoornermi kalerrisaarusiinissaq.....</b>	<b>9</b>
<b>21-039 Kommune Qeqertalimmi inissianik peqqinnartunik inissiamut akiliutip qaffasissusaa imminut akilersinnaasoq atorlugu qulakkeerinnineq.....</b>	<b>11</b>
<b>21-040 Najukkami Ataatsimiititalianut qinerneqartut kommunalbestyrelsimi akuerineqarnerat .....</b>	<b>14</b>
ATAATSIMIINNEQ NAAVOQ: .....	16
ATSIORFISSAQ:.....	16

<b>Oqaluuserisaq</b>	<b>Oqaluuserisassat akuerineqarnerat</b>
----------------------	--

**Oqaaseqaatit:****AALAJANGERNEQ:**

--



<b>Suliap nr.</b>	<b>20-035</b>	<b>llanng. nr.</b>	<b>35</b>	<b>Journal nr.</b>	
<b>Oqaluuserisassaq</b>	<b>20-035 Kommunalbestyrelsimi ilaasortatut tunuarnissamik qinnuteqaat</b>				

**EQIKKAANEQ:**

Kommunalbestyrelsimi ilaasortaq Nikkulaat Jeremiassen Siumut, suliffimmik nutaamik atorfittaarnini peqqutingalugu, Kommune Qeqertalik-mi Kommunalbestyrelsimi ilaasortatut tunuarniutaa ulloq 4. oktober 2021 allattoqarfimmi tiguneqarpoq. Kommunalbestyrelsimi tunuarniuteqarneq sinniisussamillu ilanngutsitsineq, Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq § 54, imm. 2 aamma imm. 3 malillugu Kommunalbestyrelsi aalajangiisussaataavoq.

**SULIAP SULIARINEQARNERA:**

Kommunalbestyrelsenut, nunaqarfinni aqutsisunut ilagiillu sinniisaannut qinersinerit pillugit inatsit qulaani taaneqartumi §54-imi, imm. 2-mi ima allaqqavoq: *“Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sultanik assigisaannilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat nalinginnaasumik akuerineqassaaq.”*

Kommune Qeqertalimmi Kommunalbestyrelsemi Siumut sinnerlugu, Otto Jeremiassen sinniisissatut siullertut inissiisimavoq.

Nikkulaat Jeremiassenilli tunuarniutaa akuerineqarpat Otto Jeremiassen, Nikkulaat paarlallugu Kommunalbestyrelsemi ilaasortanngussaaq. Tamanna Kommunalbestyrelsenut, nunaqarfinni aqutsisunut ilagiillu sinniisaannut qinersinerit pillugit inatsit qulaani taaneqartumi §54-imi, imm. 2-mik tunngaveqarpoq

Nikkulaat Jeremiassenip ataatsimiititaliaq Inoqarfik ilaasortaaffigivaa, ataatsimiititaliani ilaasortamik tunuarniuteqartillugu Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 38 naapertorlugu ataatsimiititaliami ilaasortaq tunuarpat, kommunalbestyrelsimi suleqatigiinnit aalajangersimasunit ataatsimiititaliami inissaq inuttalerneqartussaavoq. Tamannalu isumaqarpoq Siumut gruppeani, ataatsimiititaliaq Inoqarfimmi inissaq ataaseq inuttalerneqartussaasoq.

**ANINGAASATIGUT KINGUNISSAI:**

Aningaasatigut kingunissaqanngilaq

**INATSISITIGUT TUNNGAVIUSOQ:**

Kommunalbestyrelsimi tunuarniuteqarneq sinniisussamillu isertitsineq, Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi §54, imm 2.

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi §38.

**INASSUTEQAAT:**

Allattoqarfik INUA-ata Kommunalbestyrelsimut inassuteqaatigaa;

- Nikkulaat Jeremiassen-ip tunuarniutaa akuerineqassasoq
- Otto Jeremiassen kommunalbestyrelsimi ilaasortatut Nikkulaat Jeremiassen paarlallugu isertinneqarnissaa akuersissutigineqassasoq.
- Siumut gruppe Ataatsimiititaliaq Inoqarfimmi inissaq ataaseq Siumut gruppeaneersumik inuttalernerqassasoq. Taassumalu sinniisissaanik aamma toqqaasoqassasoq.

**ILANNGUSSAT:**

Ilanngussaq 35-01 Nikkulaat Jeremiassen-ip kommunalbestyrelsimi ilaasortatut tunuarniutaa

**AALAJANGERNEQ:**

--

<b>Suliap nr.</b>	<b>21-036</b>	<b>Ilanngussap normua</b>	<b>36</b>	<b>Journal nr.</b>	
<b>Eqqartugaq</b>	<b>21-036 Domsmandinik toqqaaneq Eqqartuussisoqarfik Qaasuitsup 2021-2025</b>				

**EQIKKAANEQ:**

Eqqartuussisarnermi inatsimmi § 35, imm. 2 naapertorlugu, Eqqartuussisoqarfinni domsmandit Kommunalbestyrelsemit toqqaarneqartarput, Kalaallit Nunaanni Eqqartuussivimmi eqqartuussisup inassuteqarnera naapertorlugu.

**SULIAP SAQQUMMIUNNEQARNERA:**

Eqqartuussivinni domsmandit ukiut sisamakkaarlugit toqqaarneqartarput, 1. Januar aallarnerfigalugu.

Taamaattumik Eqqartuussivinni domsmandit piffissamut 2021-2025, Kommune Qeqertalimmi toqqaarneqassapput.

Suliassaq ataatsimiititaliani ataavartuni suliarineqarnikuunngilaq, kommunalbestyrelsimit aalajangerneqassaaq.

**ANINGAASATIGUT KINGUNISSAI:**

Soqanngilaq.

**KINGUNISSAT:**

Domsmanditut toqqaarneqarnermi avatangiisinut, sulisutut imaluunniit allanik akornutissaqanngilaq.

**INATSISITIGUT TUNNGAVIUSOQ**

Kalaallit Nunaanni Eqqartuussisarnermi Inatsit nr. 305, 30. april 2008-meersoq.

**SULIAP SULIARINEQARFIA:**

Kommunalbestyrelse

**INASSUTEQAAT:**

Allattoqarfiup Kommunalbestyrelsimut inassutigaa, domsmanditut toqqaarnerartut akuerineqassasut

**ILANNGUSSAT:**

Ilanngussaq 36-01 Valg af domsmænd til Qaasuitsup Kredsret for perioden 2021-2025 - Qeqertalik

**AALAJANGERNEQ:**

--

<b>Suliap nr.</b>	<b>21-037</b>	<b>Ilanngussap normua</b>	<b>37</b>	<b>Journal nr.</b>	
<b>Eqqartugaq</b>	<b>21-037 Timi Tarnilu taaguutip allangortinneqarnissaanut siunnersuut – Kommunalbestyrelsimi siullermeerneqarnera</b>				

**EQIKKAANEQ:**

Kommunalbestyrelsimi ilaasortaq Hans Aronsen siunnersuuteqarpoq ataatsimiititaliap Timi Tarnilup aamma illoqarfinni suliassa qarfiit Timi Tarnilu aqqi allangortinneqassasut, siunnersuut allattoqarfimmi tiguneqarpoq ulloq 10. August 2021.

Suliaq Ataatsimiititaliap Timi Tarnilumi suliarineqarpoq ulloq 9. September 2021, akuersissutigineqarluni allannguinnginnermi illoqarfinni suliassa qarfiit Timi Tarnilu sapaatit akunnerini sisamani tusarniaqaarneqassasut, tamatumalu kingorna kommunalbestyrelsimi suliarineqassasoq.

**SULIAP SAQQUMMIUNNEQARNERA:**

Maanna tusarniaaneq sapaatip akunnerini sisamani ingerlasimasooq naammassisimaleremat, suliaq kommunalbestyrelsimi suliarineqartussanngorlugu saqqummiunneqarpoq.

Tusarniaanermi tusarniummut akissummik allattoqarfik tiguisimanngilaq, taamaattumillu naatsorsuutigineqarpoq atimik allannguinermi illoqarfinni suliassa qarfiit Timi Tarnilu allannguinissamut akissuteqannginnerat akuersinermik isumaqartoq.

Ataatsimiititaliap taaguutaanik allannguinermi, allangortinneqartussaqaq tassaavoq aqutsinermut ileqqoreqqusaaq, tamatuminnigalu allangortitsineq pinngitsoorani kommunalbestyrelsimi marloriarluni suliarineqartussaavoq, minnerpaamik ullunik 14-inik akuttussulimmik, jf. Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 1, imm. 2.

Kommunalbestyrelsimi ilaasortap Hans Aronsenip siunnersuuteqarnermini tunngavilersuutigivaa, oqaatsip naggataani uiguneqarnerani, isummamik allannguisarnera, assersuutigalugu: "Tarnilu-p", "Timi Tarnilu-mi" aamma "Timi Tarnilu-milu" (Takuuk ilanngussaaq 37-01). Siunnersuutigineqarpoq ima taaneqartalissasoq Timi Tarni.

Ulloq 8. September 2021 kommunalbestyrelsimi aamma ataatsimiititaliap Timi Tarnilumi ilaasortaq Aqqa Samuelsen, oqaasileriffimmut apeqquteqarpoq oqaaseq "tarni" nalunaarsorneqarsimasuutigineqarnerasoq, oqaasileriffimmit akissut aallaavigalugu oqaaseq "tarni" ordbogimi siullermeerluni 1871-imi S. Kleinschmidtimit allanneqarsimavoq. Oqaasileriffimmi akissutigineqartumi oqaatsip "tarnip" isumaa aammalu oqaaseqatigiinni atorneqartarneranut tunngasut allanneqarsimapput (ilanngussaaq 37-02).

**ANINGAASATIGUT KINGUNISSAI:**

Soqanngilaq.

**INATSISITIGUT TUNNGAVIUSOOQ**

Kommunit aqunneqarnerat pillugu Inatsisartut inatsisaat nr. 29, 17. November 2017-imeersumi § 1, imm. 2.

**SULIAP SULIARINEQARFIA:**

Kommunalbestyrelse

**INASSUTEQAAT:**

Allattoqarfiup Kommunalbestyrelsimut inassuteqaatigaa:

- siunnersuut akuerineqassasoq, aqutsinermut ileqqoreqqusami Timi Tarni allassimalerluni
- akuersissutigineqarnerata kingorna pisortatigoortumik Kommune Qeqertalimmi ataatsimiititaliaq Timi Tarni, aamma suliaasaqarfik Timi Tarni 1. Januar 2022 aallarnerfigalugu atuutilissasoq.
- siunnersuutip aappasaanik suliarineqarnera 30. November ingerlanneqassasoq, tasanilu aqutsinermut ileqqoreqqusaaq, siunnersuummut tulluussarneqarsimasooq saqqummiunneqassasoq

**ILANNGUSSAT:**

Ilanngussaq 37-01 Hans Aronsinip siunnersuutaa

Ilanngussaq 37-02 Oqaasileriffiup akissuteqaataa

**AALAJANGERNEQ:**

--



<b>Suliap nr.</b>	<b>21-038</b>	<b>Ilanngussap normua</b>	<b>38</b>	<b>Journal nr.</b>	
<b>Eqqartugaq</b>	<b>21-038 Aasianni Katersugaasivimmi ikuallattoornermi kalerrisaarusiinissaq</b>				

**EQIKKAANEQ:**

Aasianni katersungaasivik ikuallattoornermi kalerrisaaruteqanngilaq. Ataatsimiititaliaq Timi Tarnilu ukioq 2022-imi missingersuutissaanut, ikuallattoornermi kalerrisaarutinut aningaasartuutissat ilanngunneqarnissaanik Aasianni Katersungaasivik qinnteqarpoq.

**SULIAP SAQQUMMIUNNEQARNERA:**

Aasiaat katersugaasiviat B-24 aamma toqqorsivik pingaarneq B-404 ikuallattoqarnerani kalerrisaarutinik peqanngillat, taamaammat pingaarluinnarpoq pilerneqarnissaat.

Pingaarluinnarpoq kalerrisaaruteqarnissaq, ikuallattoqalissagaluarpat erngertumik qatserisarfimmit paasineqarluni ikuallattumik qamiteriartortoqarnissaa. Oqaluttuarisaanermi kulturikkullu kingornussat illutoqqallu aningaasanngorlugit taarserneqarsinnaanngitsut illersorneqarnissaat pineqarpoq. Katersugaasiviup pisortaata naliliinera malillugu suliassaq pinartutut naliliivigaa.

**ANINGAASATIGUT KINGUNISSAI:**

Illutoqqat B-24 aamma B-404 ikuallattoornermi kalerrisaaruserneqarnissaannut kr. 240.000 missaani naleqarnissaat naatsoesuutigineqarpoq.

**KINGUNISSAT:**

Ikuallattoornermi kalerrisaarusertoqanngippat ikuallannermi oqaluttuarisaanermi kulturikkullu kingornussat annaaneqassapput.

**INATSISITIGUT TUNNGAVIUSOQ**

-Inatsisartutlov nr 11 af 19.maj 2010 om fredning og anden kulturarvsbeskyttelse af kulturminde (Kapitel 3 Bygninger) Bilag 3

-Inatsisartutlov nr.8 af 3.juni 2015 om museumsvesen. Bilag 4

**SULIAP SULIARINEQARFIA:**

INUA aamma KOMMUNALBESTYRELSE.

**INASSUTEQAAT:**

Allattoqarfiup ataatsimiititaliaq Timi Tarnimut inassuteqaatigaa ukioq 2022-imi missingersuutinut kr. 240.000 Aasianni Katersungaasivimmut illikartinneqassasut, ikuallattoornermi kalerrisaarutinut atungassanngorlugit. Inassuteqaat akuerineqarpat suliaq ataatsimiititaliaq INUA aamma Kommunalbestyrelsimi suliarineqartussatut ingerlateqqinneqassaaq.

**ILANNGUSSAT:**

Soqanngilaq

**AALAJANGERNEQ:**

Ataatsimiititaliaq Inuit ulloq 12. oktober 2021 ataatsimiinnermi aalajangererat:

Ataatsimiititaliaq TIMI TARNILU akuerivaat, alarmcentral-eqarnissaannut immikkut misissugassangorlugu inersuussutigivaa.

**AALAJANGERNEQ:**

Ataatsimiititaliaq Inua ulloq 20. oktober 2021 ataatsimiinnermi aalajangererat:

Akuerineqarput.  
Kommune Qeqertalimmi Katersugaasiviit allat ikuallattoornermi kalerrisaaruteqarnersut misissorneqarnissaat, ataatsimiititaliaq Inua kissaateqarpoq.

**AALAJANGERNEQ:**

--

<b>Suliap nr.</b>	<b>21-039</b>	<b>Ilanngussap nr.</b>	<b>39</b>	<b>Journal nr.</b>	
<b>Sammisaq</b>	<b>21-039 Kommune Qeqertalik inissianik peqqinnartunik inissiamut akiliutip qaffasissusaa imminut akilersinnaasoq atorlugu qulakkeerinnineq</b>				

**EQIKKAANEQ:**

Kommune Qeqertalik inissianik attartortittakkanik katillugit 30.370 m<sup>2</sup>.-isut angissuseqartunik pigisaqarlunilu attartortitsisarpoq. Inissiat immikkoortortaqaqfinnut tallimanut Inissiaatileqatigiiffimmit INI A/S-imit allaffissornikkut aqunneqartumut inissinneqarsimapput. Illuutit amerlaqisut aserfallassimapput kiisalu attartortitat arlaqarnerusut najugarissallugit peqqinnarunnaarsimallutik. Iluarsartuussinissap kiisalu sanaartugassatut pilersaarutit aningaalersorneqarnissaanut aamma qulakkeerneqarnissaanut siunnersuutigineqarpoq ukiunut tulliuttunut arlaqarnerusunut aggulullugu m<sup>2</sup>-imut akigititaq ukiumut 960 kr-nngornissaat tikillugu qaffanneqassasoq. Kommunip inissiaataasa attartortittagaanut tamanut atuuttussamik 2022-imi inimut akiliut 10 %-imik kiisalu ukiuni tulliuttuni ukiumut 3 %-imik qaffanneqassasut siunnersuutaavoq. Inissiamiit aninermi immikkut ittumik iluarsartuussinernut atatillugu m<sup>2</sup>-imut 500 kr.-inik akiliisoqassaaq kiisalu inissiamut akiliut m<sup>2</sup>-imut 960 kr-inik qaffanneqassalluni.

Kommunip inissianik attartortittagai eqqarsaatigalugit Kommune Qeqertalik siornatigut ataasiarluni qaffaanikuuvoq, tassani attartornermut akiliut 2 %-imik qaffanneqarnikummat. Taamaattumik inissianik peqqinnartunik aamma imminut napatissinnaasunik ingerlatsinerneq aningaasartuutitut attartornermut akigititat malinnaasimangillat.

**SULIAP SAQQUMMIUNNEQARNERA:**

1. april 2022 aallarnerfigalugu ineqarnermut akiliut 10 %-inik qaffanneqassasoq siunnersuutaavoq. Tamanna sioqqullugu attartortut qaammatinik pingasunik sioqqutsisumik nalunaarfigineqassapput ilutigitalugulu sullissivik.gl aqutigalugu inimut taperneqarnissamat periarfissaasoq maluginiaqquneqassalluni.

1. januar 2023 aallarnerfigalugu attartornermut akiliut 3 %-inik qaffanneqassaaq ukiunilu tulliuttuni ukiumut m<sup>2</sup>-imut 960 kr. anguneqarnissaata tungaanut qaffanneqartassalluni. Attartornermut akiliut taamaalilluni imminut napatittussaasutut nalilerneqarpoq, taamaalillunilu ataavartumik inissiat aserfallatsaalineqarsinnaangussallutik.

Kommunip inissiaataanit attartortup aninerani m<sup>2</sup>-imut ukiumut 960 kr.-inik akiliut qaffanneqassaaq tamatumalu kingorna Kalaallit Nunaanni Naatsorsueqqissaartarfiup ukiuni siuliini inissianut nalimmassaatitut akigitinneqartut akit **ineriartornerat** aallaavigalugu qaffanneqartassallutik. Inimiit aninermi immikkut ittumik iluarsartuussisoqassaaq m<sup>2</sup>-imut 500 kr.-imut.

Inissiamut akiliutip ilaata matussuserneqarnissaanut kommunip inissiaataani attartortut ineqarnermut taperneqarsinnaapput. Ineqarnermut tapeq ineqarnermut attartornermut akiliutip annertussusaanik, ineqartut katillugit isertitaanik, meeqqat qassit angerlasimasuutigineqartut amerlassusaanik kiisalu inigisap angissusaat apeqqutaatillugit aalajangerneqartarput. Ineqarnermut tapiissutit aqutigalugit Inoqutigiinnut isertitakinnerpaanut ineqarnermut akiliutip 98 %-ia matussuserneqarsinnaavoq. Ineqarnermut tapiliut 40 %-ia kommunimit aamma 60 %-ia Nunatta Karsianit aningaasalersorneqarpoq.

**ANINGAASATIGUT KINGUNISSAI:**

Ineqarnermut akiliutit qaffanneqartussatut siunnersuutaasut qulakkiissavaat kommunip illuutaasa aserfallakkiartorunnaarnerat. Illuutit iluarsartuussinerit imaluunniit isaterinerit aamma nutaanik sanaartornerit taamaalillutik tullerriaarneqarsinnaanngussapput. Taamaalilluni kommunip inissiaatai tamarmik attartortunut iluaqutissanngorlugit pitsanngorsarneqassapput.

Tamatuma saniatigut Inissiatileqatigiit INI A/S-imut kommunip ingerlatsinermut tapiissutigisartagai Ukiumut 1,4 mio. koruunit sipaarutaassapput. Taanna sipaarut 2022-imut missinersuutissatut siunnersuummut ikkunneqarpoq.

Kommunip inissiatileqatigiiffianut Illuutit ilanngutsinneqartussatut naatsorsuutigineqartut nalilersorneqarnissaanut taamaalilluni Siunnersuut sunniuteqartussaavoq. Ukiup nikinnerani Aasianni kommunip ineqarfinnut immikkoortortaarfii inissiatileqatigiiffimmut ilanngutitsinneqarnissaat naatsorsuutigineqarpoq, Aasianni inissianik, najugaqatigiiffinnik kiisalu utoqqarnut inissianut sanaartornermut atatillugu aningaasalersorneqarnissaanut inissiatileqatigiit atorniarnissaanut qularnaveeqqusiissuussapput. Ineqarnermut akiliummut 100 kr.-neernerit tamaasa Ukiumut m2-imut 960 kr. ataallugu inissinneqassaaq taamaalilluni Aasianni kommunip inissiaataasa naliga 32 mio. kr. missaanik appariaateqassaaq. Ukiumut m2-imut ineqarnermut akiliut 960 kr-iuppat tamanna Kommune Qeqertalik Ejendomsselskab A/S-imut kommunimi nutaanik sanaartornissaanut aningaasalersuutissanik pitsaanerusunik aamma akikinnerusumik atorniarnissamut periarfissiissaaq taamaaliornerlu kommunip illuutaasa nangittumik ineriartornissaanut qulakkeerinneqataassaaq.

**KINGUNISSAT:**

Attartortut siumoortumik ilisimatinneqassapput attartornermut akiliutigisartakkatik 1. april 2022 10 %-imik qaffanneqassasut. Ilutigitillugu attartortut ilisimatinneqassapput sullissivik.gl aqqutigalugu ineqarnermut tapiissutinik qinnuteqarsinnaammata.

Ineqarnermut akiliutip qaffaatai isertitakinnerusunut ineqarnermut tapiissutit atorlugit matussuserneqarumaarput.

**INATSISITIGUT TUNNGAVIUSOQ**

Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

**SULIAP SULIARINEQARFIA:**

Aningaasaqarnermut Ataatsimiititap inassuteqaatit akuerippagit, suliaq Kommunalbestyrelsimut inaarutaasumik akuersissutigittassanngorlugi ingerlateqqinneqassaaq.

Kommunalbestyrelsip aalajangernerata kingorna ineqarnermut akiliutip qaffaatai attartortunut siumoortumik ilisimatitsissutigeqqullugit Inissiatileqatigiiffik INI A/S aqutsisoqatigiinnit piunnaqqineqassaaq. Ilimasaarummi ineqarnermut tapiissutinik qinnuteqarnissamut periarfissaqarnerat attartortunut maluginiaqquneqassaaq.

Aammattaaq ineqarnermut immikkoortortaarfii inissiatileqatigiiffimmut ilanngunneqartussatut pilersaarutaasut eqqoqqissaartumik nalilersorneqarnissaat Kommune Qeqertalik Ejendomsselskab-ianut maluginiaqquneqassaaq taamaalilluni inissiatileqatigiiffiup nutaanik sanaartornissamut aamma iluarsartuussinissanut pilersaarutitut pitsaanerpaamik aningaasalersorneqarnissaat aamma qulakkeerneqassamat.

**INASSUTEQAAT:**

Qullersaqarfiup Ataatsimiititaliaq INUA-nut inassuteqaatigaa:

- Kommuni inissiaataasa attartortittakkanut akigititat periuseq allaaserineqartoq naapertorlugu qaffanneqassasut.
- Suliaq Kommunalbestyrelsimut inaarutaasumik aalajangiiffigisassanngorlugu ingerlateqqinneqassasoq

**ILANNGUSSAT:**

Ilanngussaq 39-01 Notat om boligsikring ved huslejstigninger\_KAL

**AALAJANGERNEQ:**

Ataatsimiititaliaq Inua ulloq 20. oktober 2021 ataatsimiinnermi aalajangererat:

Inassuteqaat Inuit Ataqtigiinnit akuerineqarpoq.

Siumut taaseqataangilaq, Siumut kissateqarpoq init akiisa qaffanneqarnerani Kommunimut aningaasatigut kingunisaat tamakkerlugu misissorneqassasut, misissuineq kommunalbestyrelsimi aalajangiivigineqarnissaani saqqummiunneqassaaq.

**AALAJANGERNEQ:**

--

<b>Suliap normua</b>	<b>21-040</b>	<b>Ilanngussap nr.</b>	<b>40</b>	<b>Journal nr. :</b>	
<b>Eqqartugaq</b>	<b>21-040 Najukkami Ataatsimiititalianut qinerneqartut kommunalbestyrelsimit akuerineqarnerat</b>				

**NAALISAANEQ:**

Najukkami ataatsimiititaliaq pilersinniarlugu, kommunalbestyrelse aalajangernikuuvoq, ulloq 28 september 2018. Qinersinerlu siulleq 2018-imi qaamma oktober ingerlanneqarpoq.

Najukkami ataatsimiititalianut ileqqoreqqusami § 4, imm. 10 naapertorlugu Najukkamut Ataatsimiititalianut qinersinerit ukiut pingajussaani ingerlanneqartartussaapput.

**SULIAP SULIARINEQARNERA:**

Ileqqoreqqusaq akuerisaq malillugu, Kommunalbestyrelsi pisussaavoq, ilaasortanngortussat akuerisussaallugit, tamannalu peqqutigalugu, Kommunalbestyrelsimut ilaasortanngortussat akuerineqartussanngorlugit innersuunneqarput.

Ileqqoreqqusaq, najukkami ataatsimiititaliami atuuttussanngorlugu akuerisaq malillugu suliap ingerlanneqarpoq.

Qinersineq 26. Oktober 2021 illoqarfinni tamani ingerlanneqarnerani, qinersinerit inerneru ima inissisimapput, taarnermik qalipaaserneqarsimasut ilaasortanngortussat, qaamanernillu qalipaaserneqarsimasut sinniisissatut inissisimalersussaapput:

**Aasiaat:**

Ateq aamma kinguliaq	Taasinerit
Paneeraq Sandgreen	27
Kristina Knudsen	20
Paarnaq Gedionsen	20
Timooq Mølgaard	18
Agathe S. Rafaelsen	12
Otto Kristensen	6
Jakùnnguaq Skade	6
Otto M. Larsen	5
Arne Rafaelsen	5
Petrine Nielsen	4

**Qasigiannugit:**

Ateq aamma kinguliaq	Taasinerit
Lotte Reimer	35
Søren H. Lange	25
Kristian Rosing	15
Gaba Rosbach	14
Jakob Kaspersen	12
Ole Madsen	5
Gabriel Geislser	4

**Qeqertarsuaq:**

Ateq aamma kinguliaq	Taasinerit
Bella Broberg	21
Maritha Broberg	16
Oluf Olrik	14
Kasper Skifte	13
Søren Broberg	6
Erene M. Svensen	5
Ole Tobiassen	5
Ove Berthelsen	4

**Kangaatsiaq:**

Ateq aamma kinguliaq	Taasinerit
Joori-Viivi Siegstad	22
Jens-Ole N. Madsen	17
Magdaline Johansen	17
Miki Jeremiassen	17
Ulla Lundblad	15
Lars Iversen	13
Naja Hendriksen	4
Sakarias Siegstad	4
Sørine Olsen	4
Godman Petersen	3
Marius Steenholdt	0

Qinersineq 26. Oktober 2021 illoqarfinni tamani ingerlanneqarnerani katillugit innuttaasut 217-it missaaniittut taasisimapput.

Inissitsiterluni ataatsimiinneq pissaaq 29. Oktober 2021, ataatsimiinnermi ilaatigut siulittaasumik aamma siulittaasup toqqaasoqassaaq, ukioq 2022-imilu ataatsimiiffissat aalajangiivigineqassallutik.

### **INATSISITIGUT TUNNGAVIUSOQ**

Najukkami ataatsimiititalianut ileqqoreqqusaaq.

Uani nanineqarsinnaavoq: <https://www.geqertalik.gl/-/media/geqertalik/filer/kommune/najukkami-ataatsimiititaliaq-atsiornilik.pdf?la=kl-gl>

### **SULIAP SULIARINEQARFIA:**

Kommunalbestyrelsi

### **INASSUTEQAAT:**

Allattoqarfiup Kommunalbestyrelsimut inassuteqaatigaa ulloq 26. oktober 2021 illoqarfinni sisamani qinersinermi, najukkami ataatsimiititaliamut ilaasortannortussat sinniisussallu akuerineqassasut.

### **ILANNGUSSAT:**

Ilangussaq 40-01 Aasianni qinagassanngortittut, unnummilu qinersivimmi pilersaarut

Ilangussaq 40-02 Qasigianguani qinagassanngortittut, unnummilu qinersivimmi pilersaarut

Ilangussaq 40-03 Qeqertarsuarmi qinagassanngortittut, unnummilu qinersivimmi pilersaarut

Ilangussaq 40-04 Kangaatsiami qinagassanngortittut, unnummilu qinersivimmi pilersaarut

### **AALAJANGERNEQ:**

--

**ATAATSIMIINNEQ NAAVOQ:****ATSIORFISSAQ:**

Hansen, Ane

---

Lundblad, Frantz

---

Broberg, Bia A.

---

Nathanielsen, Karl Thue

---

Aronsen, Hans

---

Lundblad, Klaus

---

Kristensen, Niels

---

Larsen, Mariane S.

---

Jeremiassen, Kristian

---

Heilmann, Simigaq

---

Kristensen, Naja

---

Jeremiassen, Nikkulaat

---

Sandgreen, Enok

---

Samuelson, Aqqa

---

Frederiksen, Ole I.

---